

大同縣志卷二

星野

星圖

占候

躔度

考證

新月

歲時

祥異

溯自黃星見昴畢之分而元魏起於代北故山西皆參井而惟大同屬昴畢天文之應也如此然失之穿鑿者謂以疆域之二百五十里當天星之一度無論幅員廣狹古今不同且九州十二州之外其地大矣安能執周天三百六十五度尺寸以求合哉第舍星躔於不論則泛而無紀竊思天地間萬物一太極也一物一太極也則二十八宿之經天其星分度數就一方一隅言之可也盡覆載之內分而屬之可也茲編於占候躔度皆摭拾舊聞不敢稍參臆說引用考證亦本之前人至若歲時之豐歉與夫寒暑災祥之偏及象緯之專應於雲中者皆天文也故以類從同為一卷於義始安蓋民生之衰旺地氣之盈虛皆繫於此庶司牧者開卷遇之而先明其所重也乎

昴畢二星圖

大同縣志

卷二

星野

一

宿 昴



占候

昴十一度下爲日月中道天之耳目也主西方主獄事又爲旄頭
甘氏云主口舌奏對若明大則君無佞臣天下安和張衡云昴明
則獄訟平天阿一星在胃東月一星在昴東皆黑星又曰天阿主
察山林妖變天陰五星在畢柄西主從天子弋獵之臣天苑十六
星在昴畢南如環狀天子之苑圍養禽獸之所也主馬牛羊明則
馬牛羊盈芻藁六星在苑西以供牛馬之食也一日天積天子之
藏府也星盛則歲豐穰卷舌六星在昴北天讒之外主口語以知
讒佞張衡云主樞機曲而靜則賢人用天讒一星在卷舌中主醫
巫占與從官同礪石四星在五車北主磨礪鋒刃

大同縣志

卷二

星野

二

晉志天阿卷舌天讒俱屬天市垣天苑在二十八宿之外芻藁
天陰月礪石晉志不載隋史有之武密又以芻藁屬胃卷舌屬
胃又屬昴乾象新書以芻藁屬婁卷舌西三星屬胃東三星屬
昴天苑西八星屬胃南八星屬昴步天歌以上諸星皆屬昴宿

躔度

昴七星距西南星去極七十度天阿一星去極六十六度入胃宿
十度月一星去極七十一度半入昴宿五度天陰五星距西星去
極七十五度半入胃宿七度天苑十六星距東北星去極一百七
度半入昴宿七度半芻藁六星距西行中星去極一百八度入婁
宿十一度卷舌六星去極五十三度入昴宿初度天讒一星去極

六十一度半入昴宿半度礪石四星距南第二星去極六十五度
入昴宿六度

畢

宿



大同縣志

卷二

星野

三

占候

畢十七度主刀兵主弋獵其大星曰天高一曰邊將星明大則遠
人來貢天下安甘氏云畢主街巷陰雨天之雨師也明而定則天
下安張衡云畢爲天馬昴畢間二星曰天街三光之道也主伺候
關梁又云主國界附耳一星在畢下天高東南隅主聽得失伺愆
邪察不祥天節八星在畢南主使臣之所持也宣威德於四方明
則吉諸王六星在五車南天漢之中主宗社藩屏王室也明則諸
侯奉上天下安天高四星在參旗西北近畢比臺榭之高主遠望
氣象五車五星三柱九星共十四星在畢東北五車主天子五兵
張衡云天子兵車舍也西北曰天庫主太白秦也次東北星曰天

獄主辰星燕趙也次東南星曰天倉主歲星衛魯也中央星曰司空主鎮星楚也次西南星曰卿主熒惑魏也五星有變各以其所主占之三柱一曰三泉一曰休一曰旗五星均明柱皆具卽人倉廩實五車三柱有變各以其國占之天潢五星在五車中主河梁濟度之處也咸池三星在五車中天潢南魚圍也天關一星在五車南畢西北亦曰天門日月五星所行之道也主邊塞事主關閉參旗九星在參西五車之間天旗也明而希則邊方不動一曰天弓主弓弩之張候變禦難玉井西南九星曰九旂天子之旗也主邊軍進退天苑之南十三星曰天園植果菜之所也曲而鈎則果菜熟

大同縣志

卷二

星野

四

步天歌以天節九州殊口附耳天高五車三柱天潢咸池天關天園諸星皆屬畢宿武密書以天節屬昴參旗天關五車三柱俱屬觜乾象新書以天節參旗皆屬畢天園西八星屬昴東五星亦屬畢五車北西南三大星屬畢東二星及三柱屬參

躔度

畢八星距右股第一星去極七十五度天街二星距南星去極七十一度入昴宿十度附耳一星去極七十七度入畢宿三度天節八星距北星去極八十度半入畢宿三度諸王六星距西星去極七十度入畢宿三度天高四星距東星去極七十四度半入畢宿六度五車五星三柱九星距大星去極四十七度半入畢宿八度

半天潢五星距西北星去極五十八度入畢宿十一度咸池三星距南星去極五十一度入畢宿十一度半天關一星去極七十一度半入觜宿初度參旗九星距南第一星大星去極八十七度入畢宿六度九旂九星距南星去極一百一十三度入畢宿十二度天園十三星距東北星去極一百二十四度入畢宿五度

考證

周禮保章氏以星土辨九州之地鄭注昴畢冀州也

春秋元命苞畢散爲冀州分爲趙國立爲恒山宋均注恒山昴畢之精

史記天官書昴畢冀州昴口旄頭畢曰罕車昴畢間爲天街其陰

大同縣志

卷二

星野

五

陰國其陽陽國正義曰昴畢爲大梁之次

漢天文志昴畢冀州又曰占於街北昴主之占於街南畢主之地理志趙地昴畢之分野定襄雲中皆趙分也

後漢書馬融傳畢爲兵患至於分野并州是也

晉天文志昴畢趙冀州恒山入昴五度

隋地理志自胃七度至畢十一度爲大梁屬冀州

唐天文志胃昴畢大梁也胃得馬牧之氣與冀之北土同占初胃四度餘二千五百四十九秒入太中昴六度終畢九度自魏郡濁漳之北得全趙之分又北逾衆山盡代郡雁門雲中定襄之地與北方之國北紕之東陽表襄山河以蕃屏中國爲畢分循

北河之表西盡壘垣皆髦頭故地爲昴分冀之北土馬牧之所蕃庶故天苑之家存焉地理志代雲朔蔚等州爲大梁分

金厯志胃四度二十四分三十三秒外入趙分大梁之次

明天文志胃四度至畢六度大梁之次也山西布政司所屬之大同府應朔渾源蔚四州皆昴畢分

帝王世紀自胃至畢十一度曰大梁之次於辰在酉謂之作靈於律爲姑洗斗建在辰今趙分野

月令章句注胃一度至畢六度爲清明穀雨大梁趙分

容齋隨筆十二國分野上屬二十八宿其甚不可曉者莫如晉天文志雍州爲秦其下乃列雲中雁門定襄代郡蓋自屬并州及

大同縣志

卷二

星野

六

幽州耳

明一統志大同府禹貢冀州之域虞周屬并州天文昴畢分野

圖書編大同昴畢分野

按昴七星曰髦頭畢曰罕車爲邊兵爾雅曰濁謂之畢孫安曰掩兔之畢或呼爲濁因以名星蘇竟曰畢爲天網昴畢同宮曰大梁之次於州爲冀蓋趙之分也大同爲趙之北郡在天街之南是爲陽國

山西通志昴畢大梁之次於辰在酉於周爲冀趙之分也而胃宿附入焉史記曰昴畢冀州晉天文志曰自胃七度至畢十一度爲大梁趙分野唐天文志曰胃昴畢大梁也初胃四度餘二千

五百四十九秒入太中昴十度終畢六度天原發微曰胃七至畢十一辰酉曰作疆律姑洗斗辰趙分費直周易分野曰起婁十度蔡邕月令章句曰起胃一度金史曰胃四度二十四分三十三秒外入趙分大梁之次雖度數起終稍有不同而大梁之爲趙其占爲昴畢則無不同也

以上分野俱主昴畢言又有屬之五星者有主之北斗者有占之天市垣及女分國星者並附其說於後

辰主恒山冀州幽州并州大梁以負北海其神主於恒山辰星位焉

玉衡第八星主幽州常以五寅日候之庚寅爲代郡第九星主并

大同縣志

卷二

分野

七

州常以五申日候之甲申爲雁門丙申爲雲中戊申爲定襄

天市垣二十二星在房心東北東西列各十一星其東垣南第一星曰宋第二星曰南海第三星曰燕第四星曰東海第五星曰徐第六星曰吳越第七星曰齊第八星曰中山第九星曰九河第十星曰趙第十一星曰魏

須女下十二諸侯國有十六星齊一星在九坎之東齊北二星曰趙趙北一星曰鄭鄭北一星曰越越東二星曰周周東南北列二星曰秦秦南二星曰代代西一星曰晉晉北一星曰韓韓北一星曰魏魏西一星曰楚楚南一星曰燕其星有變各以其國占之

中台下星主冀招搖一星天鋒一星梗河三星天壘十二星並主北邊

按州郡所入宿度史漢皆不道晉書始本陳卓之說著之天文志雍州爲秦其下乃列雲中定襄雁門代郡謂入東井分容齋洪氏已指其謬固不待辨漢地理志雲中定襄屬趙爲昴畢分代郡雁門別屬燕爲尾箕分則當兼占尾箕矣趙本晉地參爲晉星則又當占參自胃至畢爲大梁分則又當兼占胃攷史記趙襄子北登夏屋而併代武靈王破林人樓煩盡有其地故蘇秦曰趙西有常山北有燕國是燕地之入於趙者不獨葛武陽平舒也亦猶上黨本韓之別都遠韓近趙

大同縣志

卷二

星野

八

卒降趙皆趙分也晉語實沈之墟晉人是居參星主晉是矣第三晉地最廣不可限以今之山西也且趙分晉得三之一而大同又僅趙之北邊近髦頭故地圖書編曰山西諸郡三觜參四參井惟大同爲昴畢宋天文志參星十度右足人畢十三度勢本鈎連故白登之圍月暈參畢自當以昴畢爲主而參附入焉唐志胃得馬牧之氣與冀之北土同占曰同占者亦附入之義未嘗指衆山以北之地爲胃分也又嘗疑昴畢同宮而昴主塞外則宜專占畢矣按東漢建武十三年正月彗星見於昴十一月盧芳入居高柳爲代之屬邑當在今府東北陽高豐鎮之界晉太元中大黃星出昴畢占曰當有

真人起於燕代間是爲北魏太祖皇始元年越一年自雲中徙都平城於漢爲雁門郡屬卽今府所治也董子曰善言天者必有驗於人大同之占昴畢庶幾近之然歷代州郡屢更歲差又不能盡合也星之於土以精氣相屬而不係乎方隅占測以山河爲限而不主乎州國此唐一行山河兩戒雲漢升降之論爲不可廢矣

大同縣志

卷二

星野

九

雲中初二見月圖



按初三哉生明故天下之見月皆始於初三惟大同地勢最高初二卽能見月然靜心人始能領之蓋一線初升其光甚微而塵寰擾擾忽而不察華州王干波徵君偶得會心始見猶未敢信有曲爲解者以上月大建故初二卽見月不知氣盈朔虛推測有定若以爲大建所移則朔

通志載河漢以十月收二月 亦可移乎既而每月皆見徵君

見天下皆然而嶺表臘月晴 自詡創獲有詩記另見藝文卷

煖之夜仍見河漢總不收隱 中竊思天下大矣初二見月者

此從古無人道破者又利瑪 應不止在雲中惜讀書不多見

竇為兩圖一載中國常見之 聞不廣惟記朱竹垞先生有初

星一載中國所未見者天河 二新月聯句詩一章可為此相

自井接尾箕盡垓埏萬方而 引證夫月固天文也故志星野

分度界之真可决古今之疑 而類及之庶幾耳目一新焉耳

附錄朱竹垞先生初二夜月聯句

二月哉生明歷象古無易云何期未屆忽露一鈎白纖纖玦兩頭

大同縣志 卷二 星野 十

遠遠眉半額驟剖老蚌胎乍吐妖蠶魄拉折金臂環屈曲玉牙尺

仄痕浸湖波初輝淡林隙趁雲射東菴逐景度西磧偃蹇桂樹枝

蹠啣仙人跡匝看越鳥將喘笑吳牛亦於焉拓風簾恰喜映瑤席

玲瓏閣外梅淨若曳霜帛暗水流其間積素影活碧廣寒八萬戶

料愛惜花客預使千里光冷沁凍蛟脊亟催蕭譜修恣把餅泥坵

或舉深杯邀或持紺法測維衡運疾遲翕者若焉闕勝引樂自今

庶徵考疇昔多耀由政平寢和驗寒革金樞落不知爛酒參橫夕

華亭高不鸞	查客	長洲顧嗣協	迂客	吳江徐	銑	電發
嘉定張大受	日容	秀水朱葵	尊竹垞	長洲顧嗣敏	嗣宗	
吳縣徐葆光	亮直	秀水朱甫	田襲遠	崑山徐昂	發	大臨
長洲顧嗣立	使君	長洲張士俊	三	長洲鄭	鈺	季雅
長洲蔣	深樹存	嘉定張士琦	天申			

歲時

漢

文帝後二年正月壬寅天機夕出西南占為兵後果寇入雲中

漢天文志

後漢

明帝永平四年八月辛酉客星出梗河西北指貫索七十日占

為兵次年匈奴入雲中

十六年四月癸未太白犯畢匈奴入雲中

天文志

北魏

道武帝天興二年七月獲嘉禾異莖同穎八月城南十里郊嘉

大同縣志

卷二

星野

十一

禾一莖九穗告于宗廟

魏靈徵志

泰常五年十二月壬辰湧泉出

靈徵志

太武帝神麤二年六月甘露降

三年三月有白龍二見於代京人家井中

靈徵志

文成帝太安二年十月白鹿見於西苑

靈徵志

孝文帝延興元年十一月楊崇奏鐘律郎李生於代京見長生

連理樹

廢帝普泰二年九月平城地震

舊府志

唐

高祖武德初雨雪三日

兩鎮三關志

五代

唐天成元年大有年舊州志

遼

穆宗應歷二年九月甲寅朔進嘉禾四莖二穗食貨志時謂重農所名

聖宗統和六年八月節度使耶律抹只奏今歲霜旱乏食乞增

價折粟以利貧民詔從之食貨志

太平二年三月地震

道宗咸雍四年六月壬子西北路雨穀方三十里食貨志

太康元年饑賑之食貨志

元

大同縣志卷二

星野

十三

世祖中統二年秋七月庚辰隕霜殺稼

三年五月甲申隕霜元史

四年七月雨雹五行志

至元二年十二月蝗

六年七月壬戌大雨雹五行志九月戊戌旱免其租賦

七年饑勅諸王阿只吉所部就食太原

八年饑賑之元史

十五年饑發粟一萬石賑之仍諭阿合馬廣積貯以備闕乏

元史

十九年秋八月蝗兩鎮三關志

二十四年風雹害稼元史

二十六年夏大雨雹

二十七年七月隕霜殺稼五行志

至元元年六月隕霜

二十一年八月赤氣蔽天

成宗元貞二年六月雹元史

大德三年八月雨雹

六年饑以糧賑之元史八月隕霜殺禾五行志

七年饑減值糶糧以賑之元史

九年六月大雨雹害稼十一月壬子地震十二月丙子又震

大同縣志卷二

星野

五行志

十年二月暴風大雪壞民廬舍明日雨沙陰霾馬牛多斃人

亦有死者元史

武宗至大元年八月己酉隕霜殺禾元史

仁宗皇慶二年饑元史

延祐二年五月雷雹害稼五行志

六年六月庚戌雨雹

七年五月雨雹發粟萬三石貸之元史八月雷風雨雹五行志

英宗至治元年三月己丑大風走沙土壅沒麥田一百餘頃六

月旱五行志丁卯雨雹元史

泰定帝致和元年饑五行志

文宗天歷二年饑賑糶糧萬三百元史

至順元年七月自夏至於是月不雨元史

順帝至正二年饑人相食

十三年十二月疫死者大半

十五年饑出糧一萬石減價糶之元史

十六年秦城鄉嘉禾生一莖二穗五穗有九穗者有異莖而

同穗者五行志

十九年八月蝗

二十七年五月辛巳隕霜殺麥元史

大同縣志卷二

星野

十四

明

洪武五年七月蝗五行志

正統四年饑

八年七月辛未巡警軍至沙溝風雷驟至裂膚斷指者二百

餘人五行志

景泰二年饑五行志

天順三年五月壬申地震有聲五行志

正德三年二月己丑暴風三日而止屋瓦飛動

八年旱

十一年旱

十四年饑

十七年饑舊府志

嘉靖二年旱赤地千里

四年六月丁巳雨水雹大如鷄子五行志

十五年七月蝗飛蔽空傷稼

二十三年雨雹

二十七年大稔舊府志

四十年六月壬午地震五行志

隆慶四年四月辛丑雨雹厚三尺餘大如鷄卵禾苗盡傷五行志

萬曆二年秋七月大疫舊府志

大同縣志 卷二 星野 十五

九年四月己酉地震有聲五行志

十年二月地震

三十八年四月旱饑九月疫癘多喉痺一二日輒死舊府志

四十六年民婦一產四男五行志

天啟六年六月丙子地震數十死傷慘甚五行志

崇正十四年旱

國朝

順治四年蝗奉

旨賑濟

康熙十七年大稔

十八年饑

十九年饑奉

旨免夏稅之三

二十三年饑奉

詔遣使賑濟仍全蠲歷年逋賦并本年地丁錢糧是秋大稔

六十年旱奉

特旨遣左都御史朱軾賫帑散賑仍蠲免錢糧六月澍雨民獲補

種秋禾大熟

雍正元年大有

二年大稔

大同縣志

卷二

星野

六

五年秋禾稔

六年七月雨雹

七年大熟

乾隆二十三年雹詳奉蠲緩

二十四年蚤霜秋禾被災奉

旨蠲緩賑卹

二十六年欽奉

恩詔將二十四年夏秋被災案內緩徵地丁錢糧蠲免十分之三

并二十一二三等年緩徵地丁錢糧全行蠲免

三十八年三十九年四十年俱大熟

五十二年大饑

五十三年春大疫秋大熟

五十七年秋旱

六十年雨雹

嘉慶二年三月風霾晝晦自乾隆五十三年至嘉慶四年歲皆

大熟

五年四月閏四月大旱

六年六月大雨六日壞居民房屋

八年六月有星如月流北方十二月十三日申刻微雪空中

有聲如雷

大同縣志

卷二

星野

十七

十年五月大水南門吊橋壞六月大水興雲橋壞

十一年六月大雨雹七月大雨五七

十三年城東艾家莊村有虎害

十九年冬地震

二十年三月地震

二十一年三月大風

二十四年七月大雨七日夜九月木冰

二十五年六月大雨雹十月大雨五日夜

道光元年三月日月合璧五星聯珠

二年閏三月大水七月疫

六年正月十五日寅未刻有流星色赤自震墜至坤隱隱有聲

七年春大疫三月晦大雪三日夜平地深三尺許冬大疫有絕戶者

九年多雷雨雨雹六月城東南雨雹七月城東雨雹八月海裏村杏花重開

祥瑞

初做各志欲以機祥另輯一卷既而翻閱舊文祥異之多無過於北魏嘉禾白雀竟無歲不書無時不登近於誣已茲以邇來時事人所共見者登記一則

道光六年丙戌冬十月柳泉灣泉內產長生蘋既而凌冬不凋敷

榮滿沼閱歲益茂道光八年中輔通稟

各憲請載省志又省志以晉祠長生蘋載物產下併求正其失附錄稟稿

敬稟者竊查山西通志第四十七卷物產下載長生蘋引証朱竹垞先生詩云琤琮難老泉分流注蒲稗中有長生蘋葱菁儼

大同縣志

卷二

星野

九

圖畫然長生蘋早註於段成式之酉陽雜俎始因泉而得名第天下靈泉指不勝屈獨晉祠水中生出此蘋為未曾有似泉之名因蘋而取義道光六年丙戌冬卑縣城南五里柳泉灣方池

一掬嚴寒沍凍之候亦產長生蘋一枝一時傳為異事今則愈發愈茂青葱滿池竊思雁門關外邊塞苦寒之地秋深以後寸草皆無而此蘋竟能孤芳挺秀於清流碧沼之中祇惜竹垞先生僑寓雲中時尚未有此不然早已登之歌咏以傳不朽茲卑

職竊有請者卑職調任六年每逢夏雨愆期步禱於此無不立

應如響祭法山川陵谷能興雲雨則祀之斯泉之神自宜列於祀典以昭靈貺除卑職歲時致祭外奈從古以來郡乘之所未

採省志之所不錄掩沒於長城荒塞之外今復產長生蘋似應與晉祠勝蹟同登省志庶足以備文獻可否仰懇

大人批示存案俟下次修輯山西通志一體錄載以廣流傳爲此具稟奉

巡撫部院盧批據大同縣稟塞外新產長生蘋請載省志緣由蒙批仰布政司核明存案俟下次修輯省志一體分別纂載以昭靈貺而廣流傳仍飭該縣知照繳稟抄發奉

布政使司葉批查該縣地方係沍寒之區乃能新生靈葩經冬青翠誠爲嘉瑞已如稟存俟下次修輯通志時一體錄載仰大同府轉飭遵照仍候

大同縣志

卷二

星野

三

院憲批示繳